



Broj: T01 0 KT 0046095 24
Bihać, 28.10.2024. godine

OPĆINSKI SUD U BIHAĆU
- Sudiji za prethodno saslušanje-

Na osnovu odredbe člana 45. stav 2. tačke i) i odredbih člana 241. stav 1. i 350. Zakona o krivičnom postupku FBiH (u daljnjem tekstu ZKP), podižem:

OPTUŽNICU

PROTIV:

M. J.

DA JE

Dana 07.08.2024. godine, oko 07,30 sati, u B. P. naselje R., krećući se vozilom magistralnim putem M-5, nakon što je primjetio da mu u susret iz suprotnog smjera dolazi vozilo ŠPD "Unsko-sanske šume" Bosanski Petrovac, i to vozilo marke "LADA NIVA", reg. oznaka (...), kojim je upravljao M. A., a u kojem se na mjestu suvozača nalazio G. E., koji su krenuli u naselje M. P. kod kolega koji su se nalazili na obezbjeđenju traktora koji je prethodnog dana pronađen natovaren sa nelegalno posjećenim ogrijevnom drvetom, M. J. je svjestan da opće opasnom radnjom može izazvati opasnost za život ljudi, htijući to, vozilom marke Audi, reg. oznaka (...), sa svoje saobraćajne trake prešao na saobraćajnu traku kojim se kretalo vozilo sa kojim se mimoilazio kretajući se prema istom, kom prilikom je kontakt izbjegnuto radnjom M. A. koji je zakočio i skrenuo vozilom udesno kako bi izbjegao direktan sudar, nakon čega je M. J. vozilom izvršio polukružno okretanje na kolovozu te je krenuo vozilom prema vozilu oštećenih koje je ubrzo i prestigao, a potom popriječio put vozilu kojim su se imenovani kretali, čime je izazvao opasnost za njihov život,

Dakle, opće opasnom radnjom izazvao opasnost za život ljudi,

Čime je počinio krivično djelo Izazivanje opće opasnosti iz člana 323. stav 1. KZ FBiH.

Na osnovu izloženog, a temeljem odredbe iz člana 350. stav. 1. i 2. ZKP-a FBiH, predlažem da Sud donese presudu kojom se osumnjičeni M. J. proglašava krivim za krivična djela iz optužnice i da mu izda sljedeći:

KAZNENI NALOG

Osumnjičenom M. J., zbog krivičnog djela Izazivanje opće opasnosti iz člana 323. stav 1. KZ FBiH izriče se:

UVJETNA OSUDA

Kojom se osumnjičenom M. J. za krivično djelo Izazivanje opće opasnosti iz člana 323. stav 1. KZ FBiH utvrđuje kazna zatvora u trajanju od tri mjeseca i istovremeno se određuje da se utvrđena kazna neće izvršiti ukoliko osumnjičeni u roku od 2 (dvije) godine od dana pravosnažnosti presude ne počini novo krivično djelo.

P r i j e d l o g
dokaza koje treba izvesti

1. Da se izvrši saslušanje svjedoka:
2. Da se izvrši uvid i čitanje:

REZULTATI ISTRAGE

Dokazi koji potkrepljuju navode optužnice:

Kantonalni tužitelj